

مجله اداره سی

باب عالی جوارنده ابو.
السعود جاده سنده محمود بك
مطبوعه سیدر.امور اداره و تجریر به متعلق
خصوصیات ایچون محمد رضا
افندی نامه مراجعت
اولفیلدر درج اولفیمیان
اوراق اعاده اولفماز.
اداره خانه جمعه دن ماعدا
هر کون آچقندر.

سنة ۱۳۰۷

شرائط امترا

ولایتده و در سعادتده محل
اقامتلینه کوندرك اوزره
سنه لکی ۷۰ التي ایللی ۴۰
غروشه در اداره خانه دن
الفی اوزره سنه لکی ۵۰
التي ایللی ۳۰ غروشه در.
آبونه لر سنه ابتدا پسندن
یعنی الی اوچنچی نومردون
اعتباراً بر سنه لك و یا خود التي
آبلی اوله رق قید اولنور.

مقالات علمی و فنیك واسطه انتشاری، گزارش ادیانك بجهت آتار بر


Directeur Mehmed Riza

مربی: محمد رضا

نومرو ۸۶

سر محرری: توفیق

نسخه سی ۵ پاره در



جنرال بوتو

پرنس وولدیہ
پارسدہ بولنان حبشستان سفارت هیئتی

جنرال نادو

محتویات :

شعر قسمی :
غزل

مکتوب مایند
سوز نیچون سویلنیر
نثر قسمی :

علی امیری افندی
حضرتلری
محمد عاکف بک
اسباطه لیم، حق افندی

علوم بشریه
مدنیت صحیحہ مایند
عین الادب
مقتطفات
عقائلی خصائل عالیہ سی
ہفتوات
اوروپا خاطراتم

شعر قسمی :

قسمی اشعار

یانیہ واشقودردہ مالیه مفتشی شاعر حکیم
سعادتلو علی امیری افندی حضرتلر ینکدر :

کیمسہ دن ایتیم شکایت جملہ بندندر بکا
کیمسہ یہ بولم قباحت جملہ بندندر بکا
ایتیم ہم جنسی تطیب ایچون بذل وجود
بن دہ ایتیم کسب راحت جملہ بندندر بکا
حائر اولز اهل همت شهرتن تن پروران
سوء آثار عطالت جملہ بندندر بکا
حسن نیت اہلی اولسیدم بولوردم اعتلا
بندہ وار حال سفالت جملہ بندندر بکا
ہپ اولور فکر سلیم اصحابی البتہ عزیز
چونکہ یوقدر بندہ عزت جملہ بندندر بکا
دین ودولت خادمی باللہ کورمن رنج وغم
چکدیکم رنج وفلاکت جملہ بندندر بکا
تابع نفس وھوایم مستحق ہر عتاب
ترك حسن قابلیت جملہ بندندر بکا
عالی ایلر پاک وجدان صاحبن لایب خدا
بولدم بن فیض ورفعت جملہ بندندر بکا
فکر علوی کوستر آثار فیض الفیضی
بندہ وار افلاس فکرت جملہ بندندر بکا

شمدی ترک ایتدہ (امیری) جملہ مکروشرقی
اکلادم چونکہ نخوست جملہ بندندر بکا

بر مکتوب

— مایند —

سوز بویله نشدت ایله مشکن
بحث ایتیملمی کندیزدن ؟
میرم بنی دیکلہ شمدی سادہ
حقسز می کوروندم اشتکادہ ؟
منظومہ لرم ندن آتیلسون
لایقیمی کہ قاردش آتیلسون !
اصراریمہ باقمہ بویله حالا
ماجز دکل ، معجز اصلا !
بن سندہ کی فیض وشانہ باقدم
اما کہ مدققانہ باقدم
کوردم کہ جدیرسک ثنایہ
دوشدم اوھوسلہ خاک پایہ
بیلدم کہ علومہ آشناسک
ھموارہ قرین اغتلا سک
ھر طوریکہ ایلدیکہ دقت
حقکدہ کی فکرم اولدی حرمت
ایلرسہ قدر بو عزمی تأیید
ایتیمکدیم استفادہ امید
خاطرده اگرچہ میل چوقدر
لکن بوکا شمدی چارہ یوقدر
ھر لحظہ بو آریاتی محقق ،
بالآخرہ یوق وطنده قالمق !
کونلر کچہرک شوچلہ طولسہ
کلسہم اوجوارہ ، قابل اولسہ
معلوم دکل اگرچہ انجم
لکن ایدم صانیرسم آرام
بکلر بنی کیم بیلیر نہرلر !
دعوتدہ کانجہ کیتیمک استر
دردا کہ بو اغتراب ایچندہ
عمرم کچہرک عذاب ایچندہ
غریتدہ نیار وار ، نہ ہدم
نفرین ایدیور حیاتیہ آدم

یاران وطن وفاسز اما
انسان ینہ ایلور تننا !
وار بر یق آئی کہ خستیم چوق
قالم بورالده راحتم یوق
یالکز یالکز یاتوب اوصاندم
برھدم چارہ ساز آراندم
ھیات غریبی کیم طانیرمش ؟
یچارہ مکرسہ آدانیرمش !
ضعفم کیدرک تراید ایتدی
افکارہ اولوم توارد ایتدی
بیسک واهمیہ خیالہ دوشدم
کوندن کونہ افتحالہ دوشدم !
ظلمت ایله حسبحال ایدردم
تاصبحہدک اہتال ایدردم
دیردم کہ جناب حقہ یارب !
کافی بنی ایتدیکک معذب
بولمازمی بوجلور تنہای ؟
چکدکلرم الویرر الہی !
بر مائلہ نک حیاتییم بن
یارب بنی محو ایدرمیسک سن ؟

* *

شمدی آزاجق دیکشدی حالم
عودتدہ یاواش یاواش مجالم
لکن ینہ ضعف ایچندہ جسمم
بکزدی قدیدہ چیقسہ رسمم !
فکرمدہ کی اختلالہ باقمہ !
انصافی دہ قاردشم براقمہ !
کروار ایسہ بندہ برقباحت
وجدانک ایلرم دخالت
بی ہرہ دکل ایسک وفادن
واز کچمہ بویار آشناندن !
محمد عاکف

سوز نیچون سویلنیر ؟

سوز اورد کیم اونکلمہ مستمعین
اولہر مستفید یا محظوظ ،